

# Erklärung der schändli- chen Sünde derjenigen/ die durch das Con- cilii/ Interim/ vnd Adiaphora/ von Christo zu Antichrist fallen/ aus diesem Prophetischen gemelde/ des 3. Elie seliger ges- chehnis/ D. M. Luth. genommen. Durch M. Sl. Jlyr.



Der Papst gibt ein gemein frey Christlich Cons  
cilium in Dentschen landen.

Saw du must dich lassen reiten/  
Vnd wol spoeren zu beiden seiten.  
Du wilt han ein Concilium/  
Ja da fur hab dir mein merdrum.

Martinus Luther S.

Anno 1545.



## Gr viel / die mehr nach

dem fleische den nach dē geist/weise/  
demütig/vnd eingezogen sein/meins-  
ten vor etlichen wenig jaren / das  
diese vnd etliche dergleichen figurn/  
des heilige D. Martini Luthers vom Antichrist/  
schandgemelde/vnd von einem mutwilligen al-  
ten narren gefantasiert a .en. Das sie aber aus  
keinem mutwillen/sonder aus einem hefftigen ei-  
ser vnd geist hergeflossen sein/ hat das werck an  
dieser figur gnugsam erweist.

Es sind one zweiffel dieselbigen figurn/alzu-  
mal dahin gericht gewest/ das/ weil dieser dritter  
Elias im geist gesehen hat/das viel falscher Pro-  
pheten auffstehen würden/die durch seine eigene  
bücher vnd ansehen/ den Römischē Beerwolff/  
wider vber die herde/vñ kirche des Herrn/als einē  
obersten (wie jtz vnser frome Interimisten vnd  
Adiaphoristen thun) setzen wolten. Darumb/ als  
er nu aus diesem jammertal scheiden solte/ hat er  
mit etlichen dendlichen figurn/gleich als mit gro-  
ssen greifflichen buchstaben / seine meinung vom  
Antichrist/allē menschen vorlegen wollen/ Auff  
das sie sehen vnd greiffen möchten/was er von  
ihm hielte/obs vielleicht noch möglich were / das  
er solchen Verführern zuvor kommen möchte.

Diese figur aber ist eine Prophecy gewest/  
von dem Trentischen Concilio / vnd allen verfels-  
chungē der lehr/so darnach gefolgt habē/welche  
sie auff's aller meisterlichste abmalet. Den-  
nach dem der Babst den Deudschen so offti verheissen  
A ii hatte/





Darumb/so er etwa eine habbersache mit dem allerheiligsten dem Babst hette/so möcht er zu ihm ziehen/sich mit ihm vertragen/vnd darnach auff's Concilium kommen.

Item/nicht ein **CHARTREZ** Concilium/darin alles nach der stim Christi des ertzhirten entschiedē/vnd allein der geliebte Son /vnd stim des ertzhirten gehört solte werdē/Sonder da viel ding nach den treuomen der Sophisten / noch viel mehr nach ihren geistlichen rechten/Am allermeisten aber/ nach des hertzen schrein des allerhellischten Vaters/ geurteilt muste werden. Darin auch der gantze process/ mit personen/verhörung vnd vrteil / allein nach des Babsts gutdüncken verordent ist gewesen.

Item/nicht ein **FLY** Concilium / dahin beyde teil one gefahr kommen möchten / vnd da beyde teil/nemlich die Kirch Christi vnd die Kirch des Antichrists/eins so wol als das ander gehört würden/vnd keine verdecktige Parteiische richter weren/Sonder gar ein knechtisch Concilium/das der Tyranny des Antichrists vntern füßen muste ligen/vnd thun was er wolte.

Den erstlich (wie gesagt) ist der ort in welschland vermeldet wordē/in einer solchen stat/da der Cardinal zu Trent(ein verzweiffelter böser bab/wie ich aus der erfahrung/vñ von ein Doctor des rechten/der vorzeiten viel gemeinschafft mit ihm gehabt/bericht bin)ein wolgebawt schlos hat/vnd da sein blutfreund ein ander Madrucius/mit einer starckē besatzung dasselbige mal gelegen ist.

Zum andern / sind keine andere Richter gewest/  
den

denn die der Babst dazu verordnet hatte/ nemlich  
etliche Caruenbischoffe/ die dem Babst alle auff  
höchst vereidet waren / grosse kirchengüter vom  
Babst empfangen hatten/ vnd noch teglich grö-  
ßere gewarteten/ Ja/ die da wol wusten/ wenn sie  
widder den Babst nur mucken würden/ so hetten  
sie leib vnd gut verlorn.

Man weis auch wol/ das der Papst etliche  
von denselben/ zu welchen er sich vermute/ das sie  
etwas bestendiger reden würden denn die andern/  
aus dem Concilio gestossen / vnd andere an ihre  
stat gesetzt hat. Dazu weis mann öffentlich/ das  
der Babst den gantzen Process des Concilij nach  
seinem eignen willen verordnet/ einen vber den an-  
dern gesetzt/ vnd die andern denselben vnterwor-  
ffen hat/ Item das er seine vier Amptsuerwesser/  
die mann legatos a latere nennet / vber denselben  
gantzen hauffen / gleich als Könige vnd Mo-  
narchen gesetzt hat.

Zum letzten ist vns dasselbe Concilium auch  
darüb nicht **FALX** gewest/ das die Widderfachs-  
er/ eben da das Concilium solte angehen/ ein krieg  
widder vnser kirchen angefangen haben. Ich  
hab ein bißleff gesehē/ welchen ein Papist/ der vmb  
diese sachen (wie sichs ansehen lies) sehr wol wus-  
ste/ von Trent gen Venedig/ auff welsche sprach/  
geschriben hatte/ Im selben zeigte er an/ wie oft  
die Post von den Monarchen vnd Babst zu vnd  
ab lieffen / vnd wie oft sie vom Babst / ins  
Concilium gesand wurden / Sagte auch / der  
Babst wolte das Concilium nicht anfahren / er  
vermerckte denn/ das seine Schutzherrn zuvor ein  
krieg

krieg wider die Lutherischen anfahren wolten.  
Ist das nicht ein schön Papistisch vnd Römisch  
Concilium vnd vrtail inn der Kirch Christi gewes  
sen? Sie sollen ja kein bessers geben.

Daraus erscheint/ das das Trentische Con  
cilium den Deudschen Kirchen gar in keinen weg  
ist frey gewesen/ Denn die Richter sind des An  
tichrists erkaupte diener/ vnd gar Parteyisch/  
Der ort ist vnicher vnd besetzt gewesen mit dem  
kriegsvolck vnserer Widbersacher/ Item/ mann  
hat eben dieselbe zeit ein krieg angefangen wider  
vnser Kirchen.

Ich will jtz schweigen der Artickel/so im selben  
Concilio gestalt sein/ welche/wie von vielen vber  
flüssig beweist ist/so gar wider Gott vnd recht  
gewest sind/ das auch ein vnuerstendiger mercken  
kan/das es nichts anders ist den lauter Antichris  
tisdreck. Mann weis auch das dieselben artickel  
nicht zu Trent gestellt/sonder von Rom dahin ge  
bracht sind/vnd aus der brust vnd Bauch des  
allerheilichsten Vaters gestossen. Daher wol zu  
mercken ist/das das Trentische Concilium vieler  
rsachen halben/kein Concilium/sonder ein gar  
stiger stinckender dreck des Antichrists gewesen ist.

Aber weil nu die Monarchen wider ihre ei  
gene zusagung/die versamlung etlicher Gottlosen  
Buben vnd lauter Babst stanck/Christo vnd sei  
ner Kirche/fur ein frey Concilium habē auff drin  
gē wollē/So hat sie auch Gott sichtiglich drüber  
zu schanden gemacht/vñ beweiset/das auch jnen  
selbs dz selbe Conciliū nicht frey gewesen ist. Den  
wiewol die widermacher alzumal im anfang/als  
sie

sie Christum vnd seine lehr verdammen solten/etwa  
trechtig genug waren/Doch als mann darnach  
von der teilung seiner Kleider/das ist/von kirchens  
gütern/vnd Reformation der geistlichen handeln  
solte/besorgte sich der Babst vnd etliche andere  
Monarchen/solche teilung würde ihm vnd den  
seinen / in einer Keyserlichen stat nicht gar gleich  
vorgelegt werden. Darumb lies er die allerheilig-  
sten Väter von Trent gen Bononia(welchs seine  
stat ist)sordern/auff das er am selben ort/seins  
gefallens/setzen vnd ordnen könnte was er wolte.

Da der Keyser diesen Vebstischē rancē mach-  
te/befahl er seinen Bischoffen die ihm zugethan  
waren/das sie zu Trent bleiben solten. Also ist  
dasselbe Concilium welchs im heiligen geist(da  
Gott vor sey)versammelt war/schismaticum/Kot-  
tisch/vnd in zweyteil zur Trent worden.

Darnach wiewol der Keyser/König/vnd das  
gantz Reich/durch schrifft vnd legaten sich be-  
müheten/die flüchtigē widder gen Trent zu brin-  
gen/haben sie doch nichts ausgericht. Also hat  
Gott den Monarchē Klerlich vnd grob genug an-  
gezeigt/das das Trentische Concilium/auch ihne  
selbs nicht frey gewesen ist/ Viel weniger würde es  
etlichen armen Euangelisten/vnd Predigern frey  
gewest sein. Vñ hat also ire betriegerey/vom Frey-  
en Christlichē GEMEIN Concilio/dermassen  
zuschanden gemacht/vnd verlegt/das sie solchs  
nicht allein hören/ sonder auch mit ihren sichtli-  
chen augen sehen/vnd mit den hendē greiffen mü-  
ssen/vnd solt ihn gleich das hertz brechen.

Daraus soll nu die Christliche Kirche lern-  
nen/



nen / was der Antichrist vnd seine Sönnlein mei-  
nen / wenn sie vns ein frey Concilium zusagen/  
nemlich/darinn die Papisten frey vnd vngewin-  
der/ alles reden/handeln/vnd schliessen mögen/  
was sie wollen/Vnd darinn kein mensch/ auch  
der Keyser selbst nicht/ etwas dawidder mucken  
darff.

Also haben wir bisher gehört/ wie der Papst  
auff die Saw ist komē/wie er sie mit den spö-  
ren ansticht/wie er jr direct fur ein Christlich Con-  
cilium fur die nase helt. Zu diesem stück gehört  
auch der weltliche schade Deutsches landes vom  
Papst vñ seinen knechten gestiftet. Nu wollen wir  
auch sehen/wie sich die Saw dargegen stellet.

In der figur stehet/das die saw/ob sie gleich  
sehr vbel gerittē wird/doch den rüssel empor hebt/  
wolt des Papsts direct gern riechen vnd kosten.  
Also sehē wir leider itzund viel(sich mus sie so nen-  
nē)Lutherische/die zuuor die warheit Ihesu Chri-  
sti erkant vnd angenommen/ den Antichrist sampt  
seinem gewolichen vnstat erkant/ verworffen vnd  
verflucht haben / gleich wie die Saw (nach  
dem spruch Petri) widder zum kot lauffen / vnd  
nach mancherley weise des Papsts direct fur ein  
recht Concilium vnd fur himelbrot fressen.

Denn erstlich im reichstag zu Augspurg/An-  
no 47. als fast alle menschē wustē/das das Tren-  
tische Concilium nichts anders war/ denn ein sy-  
nagoga der Papstknechte/wustē auch/das dem  
Keyser selbst kein frey Concilium gegebē/noch sein  
recht darinn gehalten ward / denn sie waren be-  
reit gen Bononia geflohen/ Wustē auch letz-



lich wie vnchristliche artickel/gar wider die Chri-  
stliche Religion darinn geschlossen waren / vnd  
(das ichs kurtz sag) wustē das es lauter Papst-  
direct war / Noch dennoch haben sies haben wol-  
len / viel haben darein gewilligt / vnd viel sind ge-  
neigt gewesen zu willigen / haben auch den aller-  
heiligsten Vater sehr demütiglich gebeten / vnd bit-  
ten noch / das er in dasselbe allerheiligste Con-  
cilium widerumb geben wolle / auff das sie ja ders-  
selbigen köstlichen speise genießen möchten.

Da ihn aber solchs nicht wol angien / wur-  
den sie hertzlich betrübt / erdachten einen andern  
weg / dardurch sie solche speise ererliegen möchten /  
vnd begertē das Interim / das ist / fast alle Papi-  
stische greuel / doch das es den namen nicht bet-  
te / vnd ein wenig verblümt würde. Da sie solchs  
erlangt hatten / Hilff Gott wie Jubilanten sie.  
Welch ein gros glück hatten sie inn ihrem sinn er-  
langt. Wie lobtē sies. Itzund würde das Euang-  
gelium durch gantz Europam gepredigt werden  
(denn es were Christo eine grosse thür aufgethan)  
damit friede / einigkeit / eintreichtigkeit in der gantzē  
Kirche auffgericht würde / vnd gar eine güldene  
zeit keme. Das aber das Interim nichts anders  
denn ein lauter Papstdirect sey / ist Gott lob bis-  
her durch vieler schrifftē klerlich beweiſet.

Weil aber die glückseligen Directfresser / als  
Scheisleben / D. Interim / vnd andere / von vielen  
drumb gestrafft vnd verspot sind. So kommen  
nu etliche andere her / die desselben directs auch  
begirig sind / bereiten ihnen vnd andern eben von  
derselben materi auch ein Essen / Doch / damit sie  
vnger

ungestrafte bleiben/ so würtzen sie dasselbe/ mit  
zucker vnd anderm gutem confect / tragens den  
leuten vor/ schweren zu Gott vnd zun Heiligen/  
es sey ein solch gericht/ da kein böser tropff zu  
kommen sey. Denn es seien eitel lauter Adiaphora  
drinne/ sey aber sehr wol gewürtzt/ mit süßigkeit/  
grossem nutze/ friede / eintregtlichkeit / einigkeit/  
gleichförmigkeit/ himlischer zucht/ fortsetzung des  
Euangelij / vnd werde gar eine güldene zeit dars  
aus erfolgen. Wolan/ sie werdens befinden.

Das aber ist ja am allererleglichsten/ das/  
wiewol der mehrer teil weis / erfahren vnd geles  
sen hat/ so deudlich das sie es greiffen möchten/  
das dieselbe speise nichts denn lautter dreck vnd  
Bapstgrewel ist/ sie doch williglich dauon fressen  
mit den Adiaphoristen. Denn der Bapst (wie die  
se figur anzeigt) spricht ein zwifachen seggen drüs  
ber/ ein geistlichen vnd ein weltlichen/ Zum ersten  
ein geistlichen. Denn er kan mit der Religion dis  
pensiren vnd handeln/ zu vnd abthun was er wil/  
auch widder die Apostel vnd Euangelisten/ nach  
dem schrein seines allerhellichsten hertzen. Denn er  
hat volkomene gewalt alles nach seinem mutwil  
len zunerordnen. Als/ wiewol er zunor wuste/ aus  
dem klaren befehl Christi/ dz iederman aus dem  
Kelch trincken solt/ hatte auch gehört/ aus dem  
Bapst Gelasio/ das es ein grewlicher Kirchëraub  
ist/ so einer anders thut/ doch/ dis alles vngeacht/  
hat er dispensieren vnd verordnē können / das kein  
Leie aus dem Kelch trincken solte/ vnd das es die  
aller gröste Ketzerrey sein muste/ so einer das widder  
spiel hielte. Nu / so er weis / das es Catholisch/  
B ij Orthoa

Orthodoxisch/Apostolisch vnd Römisch ist/ das die Leien allein vnter einerley gestalt Communiren sollen/ so kömpt er doch widerumb her/ vnd kan mit den Lutherischen dispensiren/ das es nicht vnchristlich ist vnter beiderley gestalt das Sacrament empfangen. Also handelt er auch mit der Priester ehe.

Derhalben / ob wol des Papssts direct an sich selbsts heilig ist/ als des allerheiligsten Vaters/ welcher/ wie die Canonisten sagen/ ein irdischer Gott ist/ doch weil er ihn aus vollkommenheit seiner gewalt selbsts benedeiet/ so wird die vorige heiligkeit vnd geistlichkeit desselben direct's so viel desto grösser/ also/ das er alle/ die ihn mit andacht anbeten/ kan selig machē. Denn one allen zweifel/ so war es ist/ das das geweihte öle den heiligen geist gibt / item das das wasser welchs aus des Papssts befehl geweiht ist/ denē/ die mit besprēgt werden/ das leben vnd ewige seligkeit geben kan. Also war ist's auch/ das sein direct/ so bald er ihn selbsts benedeiet/ den ienigē die ihn ehren/ das ewige leben geben kan. Darnach kömpt auch der weltliche segē darzu/ nemlich das alle/ die seinen scheissdirect/ für die ware Religion annemen/ friede haben / leuffen vnd verkaufen können/ vnd ihre Götter den Bauch vnd Mammon / ehren/ neren vnd erhalten. Diese stück achten ihr viel itzund so gros / das sie ihrenthalben wissentlich vnd williglich ins ewige hellische fewr lauffen.

Dis ist die erklerung dieser Prophetische figur des Ehrwürdigen Vaters D. Mart. Luthers seliger gedechtnis. Denn dieser heiliger Prophet Gottes

res/hat wol zuvor gesehe/ das seine Deuschē/  
welchen er so ein lange zeit/so gantz fleissig/vom  
Antichrist/von der Babylonischē hure/vnd ihren  
schrecklichen geweln vnd straffen gepredigt hat/  
noch selbs begeren würden/das sie der Antichrist  
nitte/Jē/das sie sein joch vñ Tyranny freiwillig  
auff sich ladē/vñ on alle sonderliche not aus dem  
gelobte lande in den eisernen ofen dieses hellischen  
Pharaonis lauffen/vnd seine schreckliche gantz  
Egyptische gewel/fur das himelbrot des Euangs  
gelij Ihesu Christi/mit sonderlicher begier fressen  
würden. Darumb hatte er ihm auch vorgenommen  
noch mehr widder das Papstum zuschreiben/  
wenn er hette leben sollen.

**I**ch weis wol/ das ich von wegē dieser meiner  
Auslegung/von vielen werde heftig gescholten  
vnd gehasset werden/als ein mutwilliger Lasterer  
vñ Schmeher / wie denn dem manne Gottes D.  
Mart. Luther auch geschehen ist. Denn wir sün-  
digen alle sein frisch dahin/wollen aber nicht lei-  
den das mann vns sündler nennet. Das sey aber  
meine antwort bey jedermenniglich/ wer ohrn hat  
zuhören/wie Christus spricht/der höre/Nemlich/  
das diese figur / wiewol sie scheusslich anzusehen  
vñ meine wort heftig sind/So ist doch noch in kei-  
nen weg/die schande/gewel/vñ Gottlosigkeit des  
itzigen abfals/dadurch genugsam abgemalet.

Denn erslich ist kein thier / welchs mit sporn  
geritten vnd von beiden seitten angestochen wird/  
so elend als die sind/auff welchen der Papst sitzt/  
vñ von beiden seite zuhawet / mit geistlicher vñ wels



weltlicher tyranny. Denn (das ich nur von der weltliche tyranny sage) er beraubt land vñ leute/ zeucht alle güter durch teuflische/ diebische practiken vnd rencke/ zu sich vnd seinen geistlichen/ Also das dieselben gotslesterischen Buben/ die weltitzund schier gar allein inne haben.

Das weltliche regiment vnd ordnung zureißt er auff mancherley weise. Gute künste verdrückt er durch seine grobe/ vngelernte/ eselische geistlichen/ wie er nur kan vnd mag. Ehrliche weiber/ Jungfrawen vñ knaben/ macht er zu schandē one vnterlas/ durch seine allerkenscheste Ehelosen. Die hat er weder rast nach ruhe/ leß nichts vnuersucht/ bis er solchs zu wegen bringe/ daher denn gross laster/ schande/ vnd ander vnglück den Leien entsichet. Die gantze Christenheit zureißt er durch stetige krieg vnd zwißracht. Vnd damit ichs kurtz auff einen bißsen fasse/ so hat der Antichrist der Bapstessel zu Rom sampt seinen geistlichen/ die welt/ durch seine finanzerey vnd tyranny so gar vnter die füß gebracht/ das er aus den Leien gar leibeigene knechte vnd fustlicher gemacht hat.

Vm andern sporn des Antichrists/ dz ist/ von seiner geistliche Tyranny/ wil ich nichts sagen/ denn es ist vnmöglich gnug davon zu redē/ wenn ichs gleich nur kurtz vberlauffen wölt/ sonderlich in solcher kurtzen Schrift. Zu dem/ ist es nicht so schendlich/ das die Saw dreck frist/ wie schendlich es ist/ nicht allein für allen volckern/ Papistē/ Türcken vnd Weidē/ sonder auch für Got vnd seiner gantzen himelischen Kirchen/ das die Euangelischen/ nach dem sie Christum den Wercern klerlich



lich erkant/ angenommen vnd bekant / den Irthum  
men/geweltn/vnd greifflichen finsternis des Antichristi  
oder Römischen Pharaonis abgesagt haben/Item/aus  
seinem eisernen ofen vnd schweren dienstbarkeit/durch  
wunderliche weise erlöset/mit dem himlischẽ brot des Euangelij Jesu Christi  
gespeiset/ vnd in das gelobte land gefurt sind/  
Nu widerumb zum Antichrist / den sie so offte  
verdampft haben/vnd zu seiner eisernen dienstbarkeit/  
finsternis vnd gewalt / sich keren/ ihn zum  
Heutter begeren/seine sporn vnd teuflsdreck/das  
ist/seine schreckliche gottsestörung / gewel vnd  
abgotterey/wissentlich durch das Trentische Concilium/  
Interim/vnd Mittelding/für die ware Religion Jesu Christi  
annemen/ehren/vnd anbeten.

Ach es stinckt kein dreck so vbel in vnser nassen/  
als das Bapstumb / welchs der aller garstigste  
teuflsdreck ist/vnd für Gott vnd seinen heiligen  
Engeln stincket. Drüb kan die bitterkeit dieses  
gemeldes vnd meiner rede / die geweliche gottlosigkeit/  
vnd geistliche schande der Mammelucke/die  
itz durchs Bapstum/Concilium/Interim/Mittelding/vnd  
was dis geschmeiffes mehr ist/von dem Herrẽ Christo  
zum Antichrist/vnd zum teufel selbst fallẽ/in keinen  
weg gnugsam erklären.

Wie wie viel anders wird der gerechte  
Richter am jüngsten tage/das geschrey des heiligen  
geistes (der die gottlose welt / durch seine  
werkzeuge/ strafft/vmb die sünde / gericht vnd  
gerechtigkeit/item / von wegen der vnbusfertigkeit/  
verfolgung der warheit vnd Christlicher warnung)  
richten / denn die gottlose welt itzt richtet/  
vnd ihr getrewen leß.

Ders

Derhalben weil ich weis/ das ich hierinne  
nichts zuniel thu / kan auch mit keinen worten/  
wenn sie gleich noch zehē mal so greulich weren/  
die grosheit dieser sünde / nur allein entwerffen/  
Item/weil ich noch verhoffe/das diese meine er-  
beit vielen Christē/ die entweder bereit gefallen sein  
oder noch fallen möchten/ dienstlich sein wird/  
So wil ich gern das schelten vnd vngunst/der  
weisen dieser welt vnd der gewaltigen auff mich  
ladē. Denn nicht allein des Trentische Concilium  
ist des Papssts direct gewest / sonder auch alle die  
der Papsst hernachmals geben wird (wie es denn  
gewis ist / das. jtz widderumb gehandelt wird/  
wie mann das Trentische Concilium/welchs vor  
vier jaren gehalten ward / widderumb vom tode  
erwecke / vnd das die Stende des Reichs bereit  
drein gewilliget haben ) vnd alle seine gaben/ die  
er seinen Eherern gibt / sind von derselbigen ma-  
teri/vnd ist ein Babstdirect gleich so gut als der  
ander.

Wann mag sagen was mann will / so ist fur  
war nützlich/das man nicht allein mit worten/  
sonder auch mit gemelden/ die grosse mannigfel-  
tige Gottlosigkeit vnd schande des abfals von  
Christo zum Antichrist allen menschen fur die  
augen halte. Was einer sihet (pflegt man zusage)  
das bewegt in mehr denn was er höret. So sagt  
auch Plato. Wenn mann die weisheit so wol se-  
hen kunte als danon reden/ so würde man sie on  
allen zweifel hertzlich lieb haben. Umb dieser ur-  
sach willen werden viel figuren inn der heiligen  
schrift vns vorgemalt/ auff das die krafft der  
wahrh

waren vnd falsche Religion/desse besser in die her-  
zen vnd verstandnis gebildet werde .

Innoraus aber wird der Antichrist sampt  
seiner Schutzherrn vnd Eherern/mit gantz grew-  
lichen Figuren abgemalt vnd bezeichnet / Als  
der Antichrist / durch das Wellische Thier vnd  
roten Thier / welcher widder die heiligen vnd  
Kirch Gottes streitet. Item / durch / die Dure mit  
welcher fast die gantze Welt huret / die da trunckē  
ist vom blut der heiligen. Die Monarchē vnd vor-  
nemsten Beschützer der Duren / vornemlich aber  
das Römische Reich / wird abgemalet / durch das  
grewliche / Blutdürstige / Gottslesterische Thier /  
welchs alle menschen anbeten vnd sagen / Wer  
kan dawidder streitten? Item / durch das Thier /  
darauff die Dur reitet. Inn der hand der Durē /  
ist ein becher voller grewel vnd schande / gleich wie  
auch inn diesem gemelde / der Papsst der Saw ei-  
nen Dreck vorhelt / Das also diese figur in allen  
stücken vberlein kömpt mit der figur Johannis in  
der Offenbarung .

Letzlich wird der Papsst abgemalet / durch  
Babylon die Verfolgerin der Kirche Gottes / die  
mutter aller Durerey vñ vnzucht / welcher / sampt  
all ihren Bürgern / der Engel am selben ort / das  
Ewige verdammnis verkündigt. Darumb schreiet  
er mit lautter stim zu den Christen / Gehet aus /  
gehets aus von ihr mein volck / das ihr nicht teil-  
hafftig werdet ihrer sünde / auff das ihr nicht  
empfabet etwas von ihren plagen.

Darumb hütet euch ihr liebe Christen allzu-  
mal / vñ fliehet von dieser Duren / die nu zur Welle  
verur-

verurtheilt ist. Item/ fliehet vor dem zorn Gottes der  
vber diese Babylon eilend komen wird/ Denn war-  
lich/ die Art ist jetzund an die wurtzel des Gottlo-  
sen Gottslesterlichen bawms gesetzt.

Der W<sup>er</sup> Ihesus erlöse vns von dem waren  
vbel/ nemlich/ von dem verkarten sinn der die-  
ner des Antichrists/ vnd von ihrem Ewis-  
gen verdammnis / **A M E N .**

**Magdeburg bey Christian Rö-  
dinger. Den dritten Octobris. M. D. L.**

**Apoca. XIII.**

Vnd der ganze Erdboden verwundert sich des  
Thiers/vñ betet den Drachē an/der dem Thier die macht  
gab/vnd beteten das Thier an vnd sprachen/Wer ist dem  
Thier gleich vnd wer kan mit im kriegen?

Vnd es ward jm gegeben ein mund zu reden gro-  
ße ding vnd lesterung/vnd ward jm gegeben/ das es mit  
jm weret zween vnd vierzig monden lang. Vnd es that  
seinen mund auff zur lesterung gegen Gott/ zu lesten sei-  
nen Namen/vnd seine Hütten/vnd die im Himmel wonen.  
Vnd ward jm gegeben zu streiten mit den Heiligen/vñ sie  
zu vberwinden/vnd jm ward gegeben/macht vber alle  
Geschlecht/vnd Sprachen/vñ Heiden. Vnd alle die auff  
Erden wonen/betten es an/der namen nicht geschrieben  
sind in dem lebendigen Buch des Lambs / das erwürget  
ist von anfang der welt. Hat jemand ohren/der höret.  
So jemand in das gefengnis füret/der wird ins gefang-  
nis gehen. So jemand mit dem Schwert tödtet/der mus  
mit dem Schwert getödtet werden / Sie ist gedult vnd  
glaube der Heiligen.





Vnd ich sahe das weib sitzen auff einem rosinfarben  
 Thier/das war voll namen der lesterung / vñ hatte zehen  
 hörner/vñ das weib war bekleidet mit Scharlacken vñ  
 Rosinfarb/vnd vergüldet mit gold vnd Edelsteinen vnd  
 Palen/vnd hatte einen gülden Becher in der hand / voll  
 gewels vñ vnfauberkeit ihrer Hurerey.Vnd an ihrer stirn  
 geschriben den namen/Das geheimnis / Die grosse Bas  
 bylon/die Mutter der hurerey vñ aller gewel auff erden/  
 Vnd ich sahe das weib truncken von dem blut der heilige/  
 vnd von dem Blut der zungen Ihesu.